

# ԵՎՍ ՄԵԿ ԿԱՀԱՏԱԿ



համալսարանի ֆիզիկայի ֆակուլտետը: Ջորակոչվել է բանակ և մոտ 10 տարի ծառայությունից հետո վերադարձել և 1987 թ. աշխատանքի անցել Երևանի ֆիզիկայի ինստիտուտում: Ընկերների վկայությամբ, ամենից շատ սիրել է երեխաներին: Ղարաբաղից 1988 թ. թվով 100 երեխա իր անմիջական նախաձեռնությամբ հանգստացել են «Սևան» ճամբարում: Մոտ մեկ ամիս Սլավիկը մասնակցել է Վարդենիսի շրջանի սահմանամերձ գյուղերի ինքնապաշտպանությանը: Չոհվել է 1990 թ. հունիսի 24-ին «փառապանծ կարմիր բանակի» դեսանտայինների կողմից, Հայաստանի հանրապետության տերիտորիայում:

...Երանի քեզ չհանդիպեի և մեր երկ-ժամյա գրույցը քո մահով ավելի չիմաստավորվեր և սվելի ողբերգական չդառնար, քան է:

Հիշում եմ, խոսում էինք օրհասից, ինքնապաշտպանությունից, ֆիդայու պատվախնդրությունից, ինչպիսի ցավով էիր դու խոսում զենքի և ֆիդայու անունը արատավորող, հայրենասերի դիմակ հագած երեկվա «ապերոներից»:

...Ինքնապաշտպանական ջոկատների միացումը հնարավոր է,— պնդում էիր դու,— եթե լինի բոլորին համախմբող մի նվիրական նպատակ. մենք միավորված էինք, քանի դեռ պայքարում էինք միայն Արցախի համար, իսկ հիմա բաժանված ենք, որովհետև պայքարում ենք իշխանության, նաև չգիտեմ ինչ-ինչերի և վերջում նաև Արցախի համար: Այն ժամանակ կար միայն ազգային ձգտում, իսկ այժմ կա նախ կուսակցական, խմբային շահեր... Երբ երեկվա հայ ազգայնականները, որ հայրենասիրության դարդից քաղցկեղ էին ընկել, իսկ հիմա դեսպուտատացավից կուրացել, ոչինչ չեն տեսնում, թուրքերը գտել են ելքը... թուրքերը այլևս չեն հարձակվում, նրանք կաշառում են կարմիր բանակի զինվորներին, կաշառում են փողով, սպիրտով, մի կտոր ոսկորով, նրանք օգտվելով հատուկ դրության արտոնություններից, կարող են սպանել, թալանել և մնալ անպատիժ... կարող են հարձակվել գրահամեքենաներով, ուղղաթիռներով, դեսանտայիններով, կարմիր գլխարկավորներով... Այսպես մեր գրույցը շարունակվեց և չեմ հիշում ինչպես խոսք գնաց լաց ու ողբի մասին... դե մենք թաղում, սուգ սիրող ժողովուրդ ենք, որ բավական է հուշարձաններով, լացկանությամբ սրանից-նրանից գութ ու մխիթարանք ակըն-

կազենք և ինչ նախախնամություն. դեռ մեկ շաբաթ չանցած քո մարտական ընկերները հազիվ են գապում իրենց վիշտը՝ զինվորական գլխարկի տեսնելով քո անշունչ կրծքի վրա:

Այս ինչ ծաղկաքաղ է սկսել մեր թշնամին: Քո մահը և մեր կորուստը առավել թանկ ու անդառնալի է, որովհետև մենք կորցրինք ոչ թե գաղափարակիր, այլ գաղափար, ոչ թե զինվոր, այլ զինվորական, ոչ թե մարտիկ, այլ մարտավար:

Քո մահով ես մեկ անգամ ևս կանգնեցի ճշմարտության դեմ-հանդիման, երբ փոքրիկ տղաս լսելով կարմիր բանակացիների վայրագությունների մասին, թե ինչպես են նրանք կրակել նույնիսկ ձիերի և ոչխարի հոտի վրա, պատանդ վերցրել վիրավոր մարդու, և Հովին զարմանքից լայնացած աչքերը ինձնից չկտրելով, այս էլ քանի երորդ անգամ կրկնում է նույն հարցը,— ինչո՞ւ կարմիրները մեր կողմից չեն... Չհավատալով լսածներին, նա ցնում-բերում է իր դասնագիրքը, մոլորված, խարված թերթում էջերը. «Ամենագոր ու հաղթական բանակ, մեր սովետական»:

ՈՉ, ԱՍՈՒՄ ԵՍ ԴՈՒ ՔՈ ՄԱՀՈՎ, ԿԱՐՄԻՐ ԲԱՆԱԿԸ ՄԵՐ ԲԱՆԱԿԸ ՉԷ:

ԳԱԳԻԿ ՄԱՆԱՍՅԱՆ

ԸՆԴՀԱՏՎԱԾ ԿԵՆՍԱԳՐՈՒԹՅՈՒՆ  
Սլավիկ Ավագի Հայրապետյան, ծնված 1948 թ. Լեռնային Ղարաբաղի Հանրապետության Դաշ-Բաշի գյուղում:  
1972 թ. ավարտել է Երևանի պետական